

Svar

fjármála- og efnahagsráðherra við fyrirspurn frá Birni Leví Gunnarssyni um lagalega ráðgjöf.

1. *Hvaða viðmið eru viðhöfð þegar ráðuneytið leitar eftir ráðgjöf til stofnana eða starfsmanna, þ.m.t. félaga í eigu starfsmanna lagadeilda Háskólangs á Akureyri (HA), Háskóla Íslands (HI), Háskólangs í Reykjavík (HR) og Háskólangs á Bifröst (Bifröst) sem gegna stöðu nýdoktora, háskólakennara, lektora, dósenta eða prófessora í fullu starfi og hlutastarfi, þ.m.t. starfsmenn í gesta- og rannsóknarstöðum?*

Þegar fjármála- og efnahagsráðuneytið leitar eftir ráðgjöf utanaðkomandi sérfræðinga um lagaleg álitamál er það í flestum tilvikum vegna þess að verkefni kallar á sérfræðiþekkingu sem ekki er fyrir hendi innan ráðuneytisins eða að verkefnaþungi innan ráðuneytisins á tilteknum tíma er með þeim hætti að þörf er á utanaðkomandi ráðgjöf.

2. *Vegna hvers konar verkefna er leitað lagalegrar ráðgjafar hjá starfsmönnum og stofnum um lagadeilda háskólanna og hversu oft vegna hvorrar tegundar verkefna?*

Leitað er til sérfræðinga í háskólum þegar talið er tilefni til þess vegna fyrirsjánlegra álitamála um lögfræðileg atriði. Helstu verkefni þar sem leitað hefur verið eftir lagalegri ráðgjöf eru í tengslum við gerð lagafrumvarpa eða aðstoð við málflutning. Sjá svar við 3. tölul. um umfang slíkrar ráðgjafar.

3. *Hversu mörg ráðgjafarverkefni, sem 1. tölul. lýtur að, hafa verið innt af hendi frá árinu 2018 og hversu mikið hefur verið greitt samtals fyrir ráðgjöfina á umræddu tímabili?*

Fjármála- og efnahagsráðuneytið hefur leitað til dr. Andra Fannars Bergþórssonar, lektors við lagadeild Háskólangs í Reykjavík, nokkrum sinnum vegna álitamála um rétta innleiðingu Evrópugerða á verðbréfamarkaði. Samtals hefur hann fengið í þóknun 8.163.500 kr. auk virðisaukaskatts vegna slíkrar ráðgjafar yfir þriggja ára tímabil frá árinu 2018.

Ráðuneytið fékk Friðrik Árna Friðriksson Hirst, doktorsnema í refsirétti og starfsmann Lagastofnunar Háskóla Íslands, til yfirlesturs á viðurlagakafla í frumvarpi til nýrra heildarlaga um gjaldeyrismál. Fyrir yfirlesturinn greiddi ráðuneytið 612.500 kr. auk virðisaukaskatts.

Samið hefur verið í tvígang við Lagastofnun Háskóla Íslands um aðstoð við gerð frumvarpa. Annars vegar um drög að frumvarpi að lögum um sérleyfissamninga vegna nýtingar á landi í eigu ríkisins í afmörkuðum tilfellum. Samkvæmt samningi verða greiðslur að hámarki 3.950.000 kr. auk virðisaukaskatts. Hins vegar um drög að frumvarpi til laga um opinberar fjárfestingar og fasteignaumsýslu ríkisins sem mun m.a. fela í sér heildarendurskoðun á núgildandi lögum um skipan opinberra framkvæmda. Verkefnið er í vinnslu en greiðslur fyrir verkefnið verða á hámarki 3.487.500 kr. auk virðisaukaskatts. Víðir Smári Petersen dósent við Háskóla Íslands fór með meginumsjón þessara verkefna en sérvíð hans er á sviði eigna-, fjármuna- og kröfuréttar.

Þá var samið við Gunnar Þór Pétursson, prófessor við lagadeild Háskólangs í Reykjavík og sérfræðing í Evrópurétti, um skrif á greinagerð, undirbúning málssóknar og aðstoð við málflutning í máli fyrir EFTA-dómstólnum í samvinnu við ríkislögmann. Samtals hefur hann fengið í þóknun 2.916.000 kr. auk virðisaukaskatts.

4. *Hversu mikil hefur verið greitt fyrir verkefni sem vikið er að í 1. tölul. frá ársbyrjun 2018 og hversu mörg hafa verið innt af hendi af annars vegar starfsmönnum og hins vegar stofnunum:*

- a. lagadeildar HA,*
- b. lagadeildar HÍ,*
- c. lagadeildar HR,*
- d. lagadeildar Bifrastar?*

Sjá svar við 3. tölul. fyrirspurnarinnar.

5. *Hvaða bókaútgáfu á sviði lögfræði hefur ráðuneytið styrkt frá árinu 2018 og hversu hárr hefur styrkurinn verið fyrir hverja og eina útgáfu? Hvaða viðmið eru lögð til grundvallar við slíkar styrkveitingar?*

Ráðuneytið hefur ekki styrkt bókaútgáfu á sviði lögfræði á þessu tímabili.